



Ulloq: 25. juli 2016
Allaffik: Atlantikup Avannaaninnaanersut immikkoortortaafik
Sullissisoq:
Suliap normua: 2014-411-0050
Allakk. uppernarsaat :2005614

OQAASEQAATINUT TAKUSSUTISSIAQ

pillugu

Kalaallit Nunaanni eqqartuussiveqarneq aamma pinerluttulerineq pillugit inatsisit allanngortinneqarnissaat pillugu inatsisissatut siunnersuutissatut missiliuutip tusarniaassutigineqarneranut akissutit

1. Tusarniaassutiginera

Inatsisissatut missiliuut piffissami 15. april 2016-imiit 20. maj 2016-imut oqartussaqaarfinnut suliniaqatigiiffinnullu tulliuuttunut tusarniaassutigineqarpoq:

Namminersorlutik Oqartussat, Kalaallit Nunaanni Eqqartuussiviit, Nunatta Eqqartuussivia, Domstolsstyrelsen, Rigsadvokaten, Rigspolitiet, Kalaallit Nunaanni Politimesteri, Pinerluuteqarsimasunik isumaginninnermut Pisortaarfik, Kalaallit Nunaanni Pinerluuteqarsimasunik Isumaginninneq, Den Danske Dommerforening, Dommerfuldmægtigforeningen, Kredsdommerit peqatigiiffiat, Foreningen af Offentlige Anklagere, Politiforbundet i Danmark, Grønlands Politiforening, Advokatrådet, Danske Advokater, Landsforeningen af Forsvarsadvokater, Grønlandske Advokater, Kalaallit Nunaanni Illersuisartut peqatigiiffiat, Institut for Menneskerettigheder, Retspolitisk Forening, Fængselsforbundet, Faggruppen af Socialrådgivere i Kriminalforsorgen, Dansk Socialrådgiverforening, Foreningen af Socialchefer i Danmark, Inspektørforeningen i Kriminalforsorgen, Kriminalforsorgsforeningen, Landsforeningen KRIM, Landsforeningen af Kvindekrisecentre, Landsforeningen Hjælp Voldsofre, Joan-Søstrene, Danner,

Slotsholmsgade 10
1216 København K.

Oqarasuaat; 7226/8400
Allakkasuartaat 3393 3510

<http://www.justitsministeriet.dk>
jm@jm.dk

Mødrehjælpen, Offerrådgivningen i Danmark, Dansk Anti-Stalking For-
ening.

Inatsisissatut missiliuut piffissami 9. juni 2016-imiit 30. juni 2016-imut
oqartussaqaarfinni suliniaqatigiiffinnilu tulliuttunut aammattaaq tusarniaas-
sutigineqarpoq:

KANUKOKA, Kommuneqarfik Sermersooq, Inuit Pisinnaatitaaffii pillugit
Kalaallit Nunaanni Siunnersuisooqatigiit, Børnehuset Saaffik, Meeqqat
Inuusuttullu Oqaloqatiginnittarfiat (MIO) – Meeqqat Illersuisuat,
Meeqqat Inuunerissut – Bedre Børneliv, Det Sociale Ankenævn i Grøn-
land, Meeqqanut Inuusuttunullu Suliniaqatigiiffik Nanu, NIISIP, NPK,
IKIU, Dansk Psykologiforening kreds Grønland, Kalaallit Nunaanni
Naligiissitaanermut siunnersuisooqatigiit, Nuna tamakkerlugu qimarnguik
katsorsaavillu Illernit.

Tusarniaassutigineqartunut inatsiseqarnermut ministerip oqaaseqaatai
uingasunngorlugit allanneqarput.

2. Tusarniaassutigineqartunut akissutit

2.1. Nalinginnaasumik

**Rigsadvokaten, Kalaallit Nunaanni Politimesteri, Kalaallit Nunaanni
Pinerluuteqarsimasunik isumaginniffik, Den Danske Dommerfor-
ening, Dommerfuldmægtigforeningen, Grønlands Politiforening, Ad-
vokatrådet aamma Qeqqata Kommunía** Qeqqata Kommunea missi-
liuummut oqaaseqaatissaqanngillat.

KANUKOKA-p inatsisissatut siunnersuutip siunertai tapersorsorpai,
aammalu eqqartuusseriaaseq pillugu inatsimmut pinerluttulerinermullu
inatsimmut allannguutissatut siunnersuutigineqartunut akerliliissuteqarani.

Naalakkersuisut inatsisissatut missiliuutip suliarinera inatsiseqarnermik
pitsanngorsaataasusaaq naammagisimaarpaat.

MIO-p (Kalaallit Nunaanni Meeqqat illersuisuata) Kalaallit Nunaanni
eqqartuussisarnermut inatsimmi aammalu pinerluttulerinermut inatsimmi,
ilaatigut meerarpassuit inuusuttorpassuillu atugarissaarnissaannut peqqis-
suunissaannullu attuumassuteqartut allannguuteqarnissaannut inatsisis-

satut siunnersuummut tusarniaassutigineqartunut peqataasinnaanini qujasutigaa.'

Institut for Menneskerettigheder-ip ataatsimut isigalugu Kalaallit Nunaanni inatsiseqarnerup nutarteriffigineqarneranut alloriarneq assut iluaraa.

2.2. Oqarasuaatikkut nalunaaruteqartarneq

Naalakkersuisut oqarasuaatikkut nalunaaruteqartarneq pillugu inatsisisatut siunnersuut tapersorsorpaat, tamannami patajaallisaanissamik suliniteqarnerit ilaattut eqqartuussivinni sukumiisumik suliarinninnernut qulakkeerinneqataassammat.

Domstolsstyrelse-p Kalaallit Nunaanni Eqqartuussivinnit paasissutissat pissarsiaasartut tunngavigalugit naliliiffigaa, oqarasuaatikkut nalunaaruteqartarneq pillugu siunnersuummi iluaqutissarsiffissat annertugisassaana-viannigitsut. Styrelseli neriuutigaa, oqarasuaatikkut nalunaaruteqartarnerup aningaasat atugassangortitaasut iluanni atuutsilerneratigut, nalunaaruteqartarnerit naammassineqartartut amerlanerulerumaartut.

Foreningen af Offentlige Anklagere-t nunap isorartunerujussua eqqarsaatigalugu Kalaallit Nunaanni oqarasuaatikkut nalunaaruteqarnermut malittarisassaliortoqarnera assorsuaq iluaraat.

Inuit Pisinnaatitaaffii pillugit Kalaallit Nunaanni Siunnersuisooqatigi-it inatsisisatut siunnersuummi oqarasuaatikkut nalunaaruteqartarnermut tunngasortaa tapersorsorpaat, inuulli pineqartorpiaap eqqortumik nalunaarutigineqartarnissaata qulakkeerneqarnissaanut unamminartoqartarumaarnera ilimagalugu.

Kalaallit Nunaanni Aningaasaqarnermut Naalakkersuisoqarfiup innuttaasut oqarasuaatikkut nalunaaruteqarfigineqartalernissaat sms-ikkullu eqqaasinneqartalernissaat iluarisimaarpaa. Naalakkersuisoqarfiup aammataaq siunnersuutigaa digitalimik attaveqatigiittarneq aqputigalugu nalunaaruteqartarnissaq periarfissarsiorneqassasoq, taamaalilluni kalaallit eqqartuussiveqarneq pillugu inatsisaat digitali atonerullugu siunissami attaveqatigiittarnissamut piareersimaniassammat.

Nunatta Eqqartuussiviata oqaatigaa, oqarasuaatikkut nalunaaruteqartartussat tamaasa politimesterip unnerluussisunngortissappagit nukinnik asuli atuinerrussasoq, Kalaallimmi Nunaanni – Danmarkimisulli – ajunnginner-

paajussammat eqqartuussivinni sulisut aamma oqarasuaatikkut nalunaaruteqartarnermik suliaqartassappata.

Nalunaaruteqarfigisap kinaanerata eqqortuuneranik qulakkeerinninnissaq eqqarsaatigalugu, inatsisissatut siunnersuummut oqaaseqaatit nalinginnaasut ataanni imm. 2.2.3-mi allassimavoq, oqartussaasutut nalunaaruteqartuusup qulakkiissagaa, inuup oqartussaasut oqarasuaatikkut nalunaaruteqarfigisaata nalunaaruteqarfigineqartussaani uppersartassagaa. Aammattaaq allassimavoq, pineqartoq kinaassutsiminik paasititsiumangippat, imaluunniit taannaanera nalornissutigineqarpat, nalunaaruteqariaaseq alla atorneqartassasoq.

Tamanna tunngavigalugu Justitsministeeriaqarfik isumaqarpoq, inuup eqqortup oqarasuaatikkut nalunaaruteqarfiginissaa inatsisissatut siunnersuummi taamaalilluni naammattumik qulakkeerneqassasoq.

Justitsministeeriaqarfik aammattaaq isumaqarpoq, digitali atorlugu attaveqaatigiinnikkut nalunaaruteqartarnek eqqarsaatigissagaanni, maannakkut teknikkikkut atortorissaruteqanngitsoq nalunaaruteqartarnermut digitali atorlugu attaveqaatigiissinnaanermut. Justitsministeeriaqarfiup taamaattumik Kalaallit Nunaanni eqqartuussiveqarnek pillugu inatsimmi, digitali atorlugu attaveqaatigiinnikkut nalunaaruteqartarnerup malittarissasiunnessaa naleqquttuutinngilaa.

Oqarasuaatikkut nalunaaruteqarsinnaanermik piginnaatitaaneq eqqarsaatigalugu, inatsisissatut siunnersuummut oqaaseqaatit nalinginnaasut ataanni imm. 2.2.9-mi allassimavoq, Kalaallit Nunaanni eqqartuussiveqarnek pillugu inatsisip § 139-ani, imm. 1-imi oqaatsit atorneqartut tunngavigalugit, Justitsministeeriaqarfiup nalileraa politiit tjestemandit aammalu kommunefogedit nalunaaruteqartarsinnaanerat nalinginnaasoq, tamatumunnga ilanngullugu immikkut pisinnaatitaaffiligaanngitsumik oqarasuaatikkut nalunaaruteqarnissamut.

Kalaallit Nunaanni eqqartuussiveqarnek pillugu isumaliutissiissummi nr. 1442/2004-meersumi allassimavoq, unnerluussisussaatitaaneq politiiniittariaqartoq, nalunaaruteqartarnek politiit sulinerminnut ilaatissinnaammassuk, assersuutigalugu nakkutilliilluni angalaanermut, soorlumi aamma politiit najukkaminik inuinillu ilisimaarinninnermikkut il.il. periarfissaqarluartut inuup najugaanik sumiiffigisaanillu il.il. paasissutissarsinissaminut.

Justitsministeeriaqarfiup Kalaallit Nunaanni Eqqartuussiviit isumaqatigai oqarasuaatikkut nalunaaruteqartarnermut periarfissat taaneqartut atuussin-naangiffigisaanni, immikkut pisinnaatitaaffiligaangikkaluarluni oqarasuaatikkut nalunaaruteqartarsinnaanerit pineqartillugit eqqartuussivinni sulisunut aamma tamatuma atuutsinneqarnissaa.

Justitsministeeriaqarfiup Kalaallit Nunaanni Eqqartuussiviit tusarniaanermut akissutaat tunngavigalugu inatsisissatut siunnersuummut ilannguppaat Kalaallit Nunaanni Eqqartuussiveqarneq pillugu inatsimmi § 139, imm. 1-imut allannguutissaq, tassanilu siunnersuutigineqarpoq eqqartuussivinni sulisut immikkut pisinnaatitsissummik pissarseqqaangikkaluarlutik oqarasuaatikkut nalunaaruteqartarsinnaanermik periarfissaqalissasut.

2.3. Kalaallit Nunaanni pinerluuteqarsimasunut inissiisarfinni pissaanermik atuisarneq

Retspolitisk Forening-ip nalunaarutigaa Nuummi pineqaatissinneqarsimasunut inissiisarfimmi matoqqasumi, maannakkut sananeqartumi aammalu 2018-imi atorneqalersussasut naatsorsuutigineqartumi, pissaanermik atuinermut qasilitsunik seqqittaatit kisimik atorneqarsinnaasut natsorsuutigalugu. Qallunaat pineqaatissiisarnermut inatsisaannik allanngortitsinissamut atatillugu, qasilitsunik seqqittaatit atorlugit pissaanermik atuinermik misiliuteqarnerup atuutsinneqalernissaanut tusarniaanermut peqatigiiffiup akissutaa 2009-meersoq, tamatuma saniatigut innersuussutigineqarpoq.

Pinerluuteqarsimasunik Isumaginninnermut pisortaqarfiup tikkuarpaa pissaanermik atuinissami iliuitsit annikinnerusut naammattutullu isigineqartut atorneqarsinnaatillugit, qasilitsunik seqqittaatit inini matoqqasuni atorneqannginnissaat allaffissornikkut malittarisassani allassimassasoq.

Naalakkersuisut allapput, pineqaatissinneqartunut inissiisarfinni pissaanermik atuinermut siunnersuut tapersorsorlugi, pissaanermilli atuneq ajornartuunnermi aatsaat atorneqassasoq, aammalu nalunaarsorneqartassasoq. Aammattaaq erseqqissarneqarpoq, pissaanermik kia atuissaneramik, qanoq atuisoqassaneramik aammalu pisuni qanoq ittuni pissaanermik atuisoqartussaaneramik malittarisassiortoqarnissaa.

Inuit Pisinnaatitaaffiunut Institut-ip kajumissaarutigaa qasilitsunik seqqittaatinik atuisarnissamik malittarisassiuussinermut atatillugu, pisuni ataasiakkaani pisariaqassutsimut, annertussutsimut aammalu qajassuussinissamut piumasaqaatit eqqumaffigineqartarnissaat.

Inuit Pisinnaatitaaffii pillugit Kalaallit Nunaanni Siunnersuisooqatigiit Kalaallit Nunaanni isertitsivinni qasilitsunik seqqittaatit atorneqarnissaat akerleraat, qasilitsunimmi seqqittaatit atornerat pissaanermik atuinermat assut sakkortoq, Kalaallit Nunaanni isertitsivinni tunngaviusunut naleqqutinngitsoq. Qasilitsunik seqqittaatinik atuinerup isertitsivinni sulisunit soqutaavallaanngitsutut isigineqarsinnaanera, Siunnersuisooqatigiit aammattaaq ernumanartoqartippaat.

Inatsisissatut siunnersuummut oqaaseqaatit nalinginnaasut ataanni imm. 3.2.2-mi allassimavoq, qallunaat parnaarussiviini pissaanermik atuinermut qasilitsunik seqqittaatit atorneqalerneranni misilittakkat takutikkaat, seqqittaatit pinaveersimatitsisuusut, atornissaanimmi qunusaaruteqarnerit pisuni amerlasuuni isertinneqartup sulisunit iliuusereqquneqartunut naalanneranik kinguneqartarsimammata, taamaalillunilu pissaanermik atuneq pisariaqartarsimanani. Qasilitsunik seqqittaatit pisuni amerlasuuni annertunerusumik pissaanermik atuinissaraluaq pinngitsoortittarsimagaat misilittakkat aammattaaq takutippaat, soorlumi aamma qasilitsunik seqqittaatinik atuisinnaaneq pinerluuteqarsimasunik isumaginninnermi sulisut annertuneroqisumik toqqissisimasinnaanerannut tapertaasimasoq.

Justitsministeeriaqarfik isumaqarpoq qallunaat parnaarussiviini misilittakkat qulaani taaneqartut Kalaallit Nunaanni isertitsivinni, aamma tassani pineqarlutik Kalaallit Nunaanni isertitsiviit ammasut, taamatuttaaq atorneqarsinnaassasut, taamaattumillu qasilitsumik seqqittaatit pissaanermik atuinermi atorneqalernissaat naleqquttusoq.

Qasilitsumik seqqittaatit atorneqalernissaat pillugu allaffissornermi malittarisassaliorneq eqqarsaatigalugu, inatsisissatut siunnersuummut oqaaseqaatini nalinginnaasuni imm. 3.2.2-mi allassimavoq, Kalaallit Nunaanni Pinerluuteqarsimasunik Isumaginnittoqarfiup qasilitsumik seqqittaatit atorneqalernissaannut malittarisassiornissaa naatsorsuutigineqartoq. Aammattaaq allassimavoq, tassunga atatillugu ilaatigut malittarisassiuunneqartariaqartoq – qasilitsumik seqqittaatip inummut atorneqalinnginnerani – isertitsiviup qasilitsumik seqqittaatip atornissaanik siunertaqarnerata ilisimatitsissutiginnissaa, aammalu malittarisassiuunneqartariaqartoq qasilitsumik seqqittaat qaqugukkut atorneqartassansoq kimillu tigummiagari- neqartassansoq. Kiisalu allassimavoq qasilitsumik seqqittaammik atuneq sakkortussusissamik tunngaviusunut qajassuussinissamillu tunngavius- unnt naapertuuttumik atorneqartassansoq, aammalu qasilitsumik seqqittaatip atorneqarsimanerata kingorna nakorsamit misissorneqarneq pisassansoq.

Tamanna tunngavigalugu Justitsministeeriaqarfik isumaqarpoq, inatsisisatut siunnersuutikkut Kalaallit Nunaanni Pinerluuteqarsimasunik Isumaginnittoqartoqarfiup allaffissornikkut malittarisassiornissaanut tunngavissisoqarluartoq, Kalaallit Nunaanni isertitsivinni qasilitsumik seqqittaatinik atuisinnaanerup illersorneqarsinnaasumik qajassuussisumillu atorneqarsinnaaneraniq qulakkeerinnittumik.

2.4. Tigusarinnittarney, najugaqataasinnaannginneq aamma anisitsisarney

Naalakkersuisut inuit eqqissisimatitaanissaminnik innarlerneqartut, malersugaasut aamma ajortisaarneqartut illersorneqarnissaat pillugu Kalaallit Nunaanni malittarisassiuunneqarnissaat akuersaarpaat, tamannalu ilutigalugu malittarisassat pillugit paasissutissiissutissanik attuumassuteqartunik suliaqartoqarnissaa kajumissaarutigalugu. Pingaartumik nunaqarfinni najugaqataasinnaannginneq imaluunniit anisinneqarney pissutigalugit, inuit marluk avissaartinneqarnissaat ajornakusuussasoq aammalu tigusarinninnerup nunaqarfinni politiit sinnerlugit sulisoqanngitsumi eqquutsinneqarnissaata ajornakusoorsinnaanissaa, aammattaaq malugeqquneqarpoq. Naalakkersuisut aammattaaq isumaqarput, inuup anisinneqartup allami inissarsissunneqarsinnaanissaa qulakkeerneqartariaqartoq.

Aammattaaq oqaatigaat **Kalaallit Nunaanni Inuit Pisinnaatitaaffii pillugit Siunnersuisooqatigiit**, tigusarinninnermik, najugaqataasinnaannginnermik aammalu anisitaanermik atortitsiniarnerit ajornakusoorfeqassasut, tamatumami kingunerisinnaammagu pineqartoq nunaqarfigisaminit imaluunniit illoqarfigisaminit allamut nuuttariaqarnissaa.

Landsforeningen Hjælp Voldsofre tigusarinninnermut, najugaqataasinnaannginnermut aamma anisinneqarnermut malittarisassat Kalaallit Nunaanni atorneqalernissaat qujaruppaat. Taamaattoq tikkuarneqarpoq, tigusarinninnissaq anguniarlugu inuit ikiorneqarnissaminnik siunnersorneqarnissaminnillu kissaateqartut inatsisitigut ikiorserneqarnissamik, tassa bistsandsadvokatimik imaluunniit illersuisumik, aammattaaq malittarisassiuunneqartariaqartut.

MIO-p tigusarinnissinnaanerup, najugaqataasinnaannginnerup aamma anisitsisinnaanerup periarfissaalernissaa tapersersorpaa aammalu oqaatigalugu meeqqanut inuusuttunullu persuttarneqarsimasunut, kanngut-

taatsuliorfigineqarsimasunut siorasaarneqarsimasunulluunniit anner-tuumik pingaaruteqarsinnaasoq.

Foreningen af Offentlige Anklagere-p tikkuarpaa, tigusarinninnerit, najugaqataasinnaannginnerit anisitaanerlu pillugit suliat eqqartuussisutigoortumik misilinneqannginnerini, unnerluussisut aggersagaasut sulianik taamatut ittunik suliaqarnernik ilinniartinneqartariaqartut.

Nunaqarfinni illoqarfinnilu minnerni inunnik tigusarinninnissani il.il. unamminartunut ajornartorsiutinullu tunngatillugu, tigusarinnittarneq pillugu qallunaat inatsisaanni imm. 3.4.1.3-mi allassimasunut oqaaseqaatini nalinginnaasuni (inatsisissatut siunnersuut nr. L 10, ulloq 9. november 2011 saqqummiunneqartoq), Kalaallilu Nunaanni tigusarinnittarneq, najugaqataasinnaanngineq aamma anisitsisarneq pillugit aalajangersakkani tunngaviusuni, allassimavoq, tigusarinninnermik suliaqarnermi il.il. illuatungeriit eqqaamioriissimappata suleqatigiissimappataluunniit tigusarinninnissamik nalunaaruteqarnissamut tamanna unissutigineqassanngitsoq. Oqaaseqaatini nalinginnaasuni aammattaaq imm. 3.5.1.2-mi allassimavoq, illuatungeriit eqqaamioriissimappata, najugaqataasinnaannginnerup ator-neqarsinnaanera ajornakusuussasoq, soorlumi aamma eqqissisimanernik innarliisup nooqqunissaanut tunngavissaliisoqartariaqanngitsoq.

Tigusarinnittarneq pillugu qallunaat inatsisaanni (inatsisissatut siunnersuut nr. L 10, ulloq 9. november 2011 saqqummiunneqartumut) bistsandsadvokatiliisarnermut illersuisuliisarnermullu tunngasuni oqaaseqaatini nalinginnaasuni imm. 3.4.1.3-mi aammattaaq allassimavoq, inatsisitigut siunnersorneqarneq aammalu bistsandsadvokatilerneqarneq pillugit qallunaat eqqartuussiveqarneq pillugu inatsisaat atuutsinneqassanngitsoq pineqaatis-sinneqarnissamik nalunaaruteqarnissanut tunngassuteqartunik nalunaaru-teqarnissaannaq pineqartillugu. Suliani taamatut ittuni Danmarkimit allaa-nerusumik Kalaallit Nunaanni inatsisiliortoqarnissaa Justitsministeeriaqar-fiup tunngavissaqarsorinngilaa, tamannalu tunngavigalugu pisari-aqarsorinagu pineqartup tigusarinninnissamik il.il. anguniagaqarluni kissaateqarneranut inatsisitigut siunnersorneqartarnissamut malittarisassa-nik suliaqartoqarnissaa. Ilanngunneqarpoq politiit inunnut tigusarinnit-toqarnissaanik kissaateqarlutik saaffiginnittunut siunnersuisarnissaat.

Naggataatigut oqaatigineqassaaq unnerluussisunik aggersagaasunik ilinni-artitsineq eqqarsaatigalugu, Kalaallit Nunaanni politiit aammalu unner-luussisussaataasut tigusarinnittarneq, najugaqataasinnaannginneq aamma

anisitaaneq pillugit malittarisassanik atuinermik sulisunik naammattumik annertussusilimmik ilinniartitsisarnissaat Justitsministeeriaqarfiup naatsorsuutigigaa.